

und Barmhertzigkeit an vns erzei-
gen / auff's New offenbar machen /
verlassen vnd beweisen / Dafür wol-
len wir sampt allen himlischen Heer-
scharen / dich in alle Ewigkeit / lo-
ben / ehren / ansingen / vnd nach dei-
nem Göttlichen Befehl / Willen vnd
Wolgefallen / durch Hülffe deines
heiligen Geistes allezeit vnser Leben
anstellen / vnser Nachkommen dazu
halten / treulich ermahnen vnd Be-
fehl thun. Vns geschehe wie wir al-
hie bitten / hoffen vnd glauben / vmb
Jesu Christi deines lieben Sohnes
vnser HErrn vnd Heilandes wil-
len / Amen / Amen.

Wze man sich wider die Pesti-
lenzische Seuche / so wol all ander
Plagen vnd Straffen Gottes / geist-
lich præserviren / zubereiten vnd in
acht haben sol / damit sie vns nicht
treffe / oder wo jemand damit getrof-
fen ist / wie er davon wider entlediget

E ij

vnd